

ЯНГИ ЎЗБЕКИСТОН

Ижтимоий-сиёсий газета

№ 123 (123), 2020 йил 4 июль, шанба

www.yuz.uz yuz.uznews yuz_official yuz.uz_news



Бугуннинг ёшлари



АҚЛИЙ МЕХНАТ ОРҚАЛИ ДАРОМАД ТОПИШНИНГ КАТТА ИМКОНИЯТИ

Президентимизнинг 30 июнь — Ёшлар куни муносабати билан Ўзбекистон ёшларига йўлаган байрам табриги барча тенгдошларим қатори мени ҳам ниҳоятда тўлқинлантирди.

Бизга шу юрtnинг муҳим бўлаги, келажаги сифатида билдирилган юксак ишонч қалбимизни ғурурга тўлдирди. Айниқса, давлатимиз раҳбари томонидан ёшларнинг замонавий технологияларни ўрганиб, уларни барча соҳаларга кенг таътиб этишига қорлов, ана шу соҳа мутахассис ва ҳаваскор-

ларини ҳар томонлама қўллаб-қувватлашга қаратилган чора-тадбирлар бизни янада кўпроқ изланишга, ўқиб-ўрганишга шижоатлантирди, десам муболага бўлмайти.

▶ Давоми 2-бетда

Долзарб мавзу

ИНСОН ҲУҚУҚИ, ШАЪНИ ВА ҚАДРИ ҲИМОЯСИ БИЛАН БОҒЛИҚ ЯНГИ ТАКЛИФЛАР, ТАШАББУСЛАР, ТАЛАБЛАР



Сафар ОСТОНОВ,
Олий Мажлис Қонунчилик палатаси депутаты

Президентимиз раҳбарлигида одил судловни таъминлаш ва коррупцияга қарши курашиш борасидаги вазифаларга бағишлаб 30 июнь куни ўтказилган видеоселектор йиғилиши мазмун-моҳияти инсон ҳуқуқи, шаъни ва қадри ҳимояси билан боғлиқ бўлди. Шу боис, йиғилишда билдирилган фикрлар, илғари сурилган ғояларни кенг жамоатчилик катта мамнуният билан қўллаб-қувватламоқда.

Аввало, ўзимизга бир саволни бериб, ўйлаб, хулоса чиқариб олишга ҳаракат қилайлик. Президентимиз одил судловни таъминлаш ва коррупцияга қарши курашиш масаласини нега яна кун тартибига бунчалик кескин қилиб қўймоқда?

Ҳаёт тажрибасидан кўриниб

турбидики, жамиятда одил судлов бўлмаса, фуқаролар ҳуқуқи ва манфаатлари ишончли ҳимоя қилинмаса, кўзланган юксак марраларга етишимиз қийин. Суднинг сўзи одил бўлмаса, аҳолининг норозилиги кўпайиб бораверади. Одамлар хотиржам ишлаш, ташаббус кўрсатиш, яратиш ўрнига асоссиз поймол этилган ҳуқуқларини тиклаш учун оилаб, йиллаб оворою сарсон бўлиб юради, жамиятда носоғлом муҳит юзага келади. Бундай адолатсизликлар қандай оғир оқибатларга олиб келганини совет замонида ҳам, яқин ўтмишда ҳам кўрдик, жабрини тортидик.

▶ Давоми 2-бетда

Халқаро рейтинг

ОНАЛАР ВА БОЛАЛАР САЛОМАТЛИГИ “ЙЎЛ ХАРИТАСИ”

Ўзбекистонда 2020 йилнинг ноябрь-декабрь ойларида ЮНИСЕФ билан ҳамкорликда мультииндикатор кластер кузатуви ўтказилади



Мамлакатимизда амалга оширилатган ислохотларнинг асосида инсон омили туради, унинг қандай вазиятда яшаши, соғлиғи, таълим-тарбия олиши устувор аҳамият касб этади. Уларни тўғри, изчил ва самарали олиб бориш учун мавжуд ҳолат тўғрисидаги маълумотларнинг қай даражада тўлиқ ва ишончли бўлиши билан чамбарчас боғлиқ.

Чунки статистика тизими қанчалик ҳаққоний ва очиқ бўлса, ислохотлар шунчалик тўғри ва натижадор бўлади.

Бошқа йўналишлар қатори уй ҳужалиқлари ҳолати, уларда яшайётган аёллар ва болалар саломатлиги, бу борада зарур шарт-шароитларнинг мавжудлиги тўғрисида халқаро амалиётда турли кузатувлар ўтказиб борилади. Уларнинг натижалари мамлакатда бу борадаги аҳвол ҳақидаги маълумотларни олишга, хулосалар чиқаришга хизмат қилади.

▶ Давоми 2-бетда

Адиблар хиёбонидаги ўйлар



ОҒАҲИЙ ИЖОДИЙ МЕРОСИ — МАЪНАВИЙ ТАРБИЯ АСОСИДИР

Давлатимиз раҳбари Адиблар хиёбонига ташрифи чоғида бугуннинг ёшлари қаерда, қайси соҳада ўқимасин, уларнинг юрагига адабиётни киритиш, бадиий адабиётга меҳр уйғотиш учун нима қилишимиз керак, деган саволни кўндаланг қўйди. “Агар у маънавиятли бўлса, ҳамма чўққиларга етади. Космонавт ҳам бўлади, муҳандис ҳам бўлади, ёзувчи ҳам бўлади. Юрагига адабиёт киритишимиз керак! Адабиёт киритиш билан юрагига маънавият киритамиз, маърифат киритамиз, маданият киритамиз”, деган жавобни ҳам айтиб ўтди.

▶ Давоми 6-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВ 2 ИЮЛЬ КУНИ МАМЛАКАТИМИЗ ИНВЕСТИЦИОН ВА ТАШҚИ САВДО ФАОЛИЯТИ ПРОГНОЗ КЎРСАТКИЧЛАРИНИНГ ЖОРИЙ ЙИЛ I ЯРМИДАГИ ИЖРОСИНИ МУҲОКАМА ҚИЛИШ, ШУНИНГДЕК, ЯПОНИЯ, КОРЕЯ РЕСПУБЛИКАСИ ВА БИРЛАШГАН АРАБ АМИРЛИКЛАРИ БИЛАН УСТУВОР ҚЎШМА ЛОЙИХАЛАРНИНГ БОРИШINI ҲАМДА САВДО-ИҚТИСОДИЙ, ИНВЕСТИЦИОН ВА МОЛИЯВИЙ-ТЕХНИК ҲАМКОРЛИКНИ КЕНГАЙТИРИШ ИСТИҚБОЛЛАРИНИ КЎРИБ ЧИҚИШГА БАҒИШЛАНГАН ВИДЕОАНЖУМАН ТАРЗИДА ЙИГИЛИШ ЎТКАЗДИ.

✓ Ҳисобот даврида умумий қиймати **1,8 МИЛЛАРД** долларлик **28 ТА** йирик инвестиция лойиҳасини амалга ошириш ҳисобига **3,8 МИНГТА** янги иш ўрни яратилишига эришилди. Худудларни ривожлантириш дастурлари доирасида умумий қиймати **9,5 ТРИЛЛИОН** сўмлик 2049 та йирик инвестиция лойиҳаси амалга оширилди, бу **27 МИНГТА** янги иш ўрни яратиш имконини берди.



✓ Жорий йилнинг 6 ойи якунларига кўра, мамлакатимиз корхоналари томонидан **6,1 МИЛЛАРД** долларлик маҳсулот экспорт қилингани таъкидланди. Айни пайтда экспорт фаолиятига **950 ТА** янги корхона жалб этилди, хорижга янги **85 ТА** номдаги маҳсулот етказиб бериш ўзлаштирилди, шунингдек, қўшимча **4 ТА** давлат бозорига чиқилди.



✓ Мамлакатимизда япониялик шериклар билан ҳамкорликда геология, кимё ва нефть-кимё, банк-молия, соғлиқни сақлаш ва таълим каби соҳаларда умумий қиймати **5,6 МИЛЛАРД** долларлик **48 ТА** лойиҳа амалга оширилатгани таъкидланди.



✓ “НИС” компанияси билан меҳмонхона мажмуаларини қуриш, “Isuzu” ва “Itochu” компаниялари билан “СамАвто” қўшма корхонасининг ишлаб чиқариш қувватларини кенгайтириш, Япония халқаро ҳамкорлик агентлиги (ЈІСА) билан Навоий иссиқлик электр станциясида энергетик блоклар барпо этиш бўйича ва қўллаб бошқа лойиҳалар муваффақиятли амалга оширилмоқда.



✓ Корея Республикаси билан икки томонлама ҳамкорлик ҳам кейинги йилларда ижобий суръат билан ривожланмоқда. Жорий йилнинг бошидан буён товар айирбошлаш қарийб **1 МИЛЛАРД** долларга етди, Жанубий Корея капитали иштирокида **60 ТА** янги корхона ташкил этилди, уларнинг умумий сони эса **855 ТА** га етди.



✓ Корея халқаро ҳамкорлик агентлиги (КОІСА) ва Иқтисодий тараққиёт фонди орқали молиявий-техник кўмак дастурлари доирасида умумий қиймати **750 МИЛЛИОН** доллардан ортиқ бўлган **17 ТА** лойиҳа, жумладан, Кимёвий технологиялар маркази, ёши катталар учун клиника ташкил этиш, юртимиз тиббиёт ва таълим муассасаларини жиҳозлаш лойиҳалари амалга оширилмоқда.




✓ Бугунги кунда умумий қиймати **4 МИЛЛАРД** доллардан ортиқ аниқ лойиҳалар ишлаб чиқилмоқда. БАА сармоеси иштирокидаги корхоналар сони **141 ТАНИ** ташкил этапти. Амирликлар компаниялари билан келишувлар ўз натижасини бераётгани таъкидланди.



✓ БААнинг “Mubadala” давлат инвестицион компанияси билан энергетика соҳасида ҳамда углеводородлар қазиб олишни кўпайтириш ва уларни чуқур қайта ишлашни ташкил этиш бўйича лойиҳалар ишлаб чиқилмоқда.

✓ 2019 йилда Бирлашган Араб Амирликларига амалга оширилган олий даражали ташриф якунида салмоқли икки томонлама ҳужжатлар тўплами, шу жумладан, савдо-иқтисодий ва инвестицион битимлар имзоланган эди. Энергетика, инфратузилма, кимё ва нефть-кимё, қишлоқ ҳўжалиги, туризм ва бошқа соҳаларда қўшма лойиҳаларни амалга ошириш режалаштирилмоқда.



✓ “Masdar” компанияси Навоий вилоятида **500 МВт** қувватга эга шамол электр станцияси қурилишига инвестиция киритмоқда, сармояларнинг умумий ҳажми эса **500 МИЛЛИОН** доллардан ошади.



